

福建通志

第拾伍冊

共壹百冊

福建壇廟志卷一

福州府

社稷壇

會典爲大祀

在郡城北拜郊山舊在城南唐大中十年觀察使楊發遷

南澗寺東

攝巡官濮陽寧有遷新祀記見金石志

閩王時遷烏石山陰宋元祐閒郡守柯述

拓地重新

柯述銘見石刻

元初遷法海寺北明洪武六年知府楊士英移建今所

清乾隆五年重修壇制累石爲之北向縱橫二丈五尺高三尺四出陛各

三級繚以周垣闢四門旁設神庫神厨宰牲房洗牲池齋房立石主一於

壇之南又置木主二曰府社之神府稷之神歲春秋仲月上戊日致祭

風雲雷雨山川壇

會典爲中祀

在郡城南嘉崇里釣龍臺明洪武三年建於惠

澤山六年移今所清因之壇制縱橫各二丈五尺南向四出階各三級門

垣如社稷制設神位三中風雲雷雨之神左境內山川之神右府城隍之

神西隅附祀日本琉球渤泥山川之神春秋仲月上巳日合祭

明史禮志外國山川

附祭各省福建附祭日本琉球渤泥

福建壇廟志福州

先農壇

會典爲中祀

在府城外西營清雍正四年准奉天府尹直省督撫及所

屬府州縣衛各於所治擇潔淨之地立壇及籍田壇制高二尺一寸寬二

丈五尺

春秋文義鈞云天子社廣五丈諸侯半之

先農牌位高二尺四寸寬六寸座高五寸寬

九寸五分紅牌金字填寫先農之神壇後正房三間配房各一間正房中

一室奉神位東房貯祭器農具西房貯籍田米穀東配房置辦祭品西配

房給看守農戶繚以垣門南向籍田制四畝九分在壇前自雍正五年爲

始每歲仲春各率所屬官及耆老農夫致祭

厲壇

會典爲羣祀

在郡西北寶福山立石刻祭文洪武間所頒也洪武三年建

於馬鞍山後八年移今所歲以清明中元十月朔日致祭先期牒告城隍

祭日迎神主之

閩縣侯官縣附郭不別爲壇各縣俱有日邑厲

風神廟

會典爲中祀

在東門外清乾隆三十一年建

龍神廟

會典爲中祀

在九仙山祀福閩濟應龍王清雍正二年勅建乾隆二十

七年修

熒星祠會典為在華林寺西明萬曆閒巡撫許孚遠建清乾隆二十四年

修道光七年郡人重建舊為明離殿在九仙山下移建後以祀神之總管

為火部總政廟嘉慶八年里人請入祀典重建

真武廟會典為在北城全闕第一樓明正德二年建一在譙樓右

城隍廟會典為在越王山之東晉太康遷城即建今所宋紹興二十七年

待制沈調增創廳宇淳熙五年作更衣肅儀兩亭明洪武二年封鑒察司

民威靈公十七年改稱本府城隍之神案城隍古不載祀典洪武元年各

縣曰伯三年正祀典詔天下城隍只稱某府州縣城隍之神成化十八年知府唐珣重修廟宇正德十

年改外大門為華表歲無特祀清增春秋二祭案本省城隍神牌題福建

廟舊稱府城隍廟知府主之清雍正間觀風整俗使德祈年奏請改為廣

東都城隍然後巡撫司道皆詣展謁據此或當時各直省一例遵照舊志

失載乾隆十三年郡人何長浩重修廟東偏壁間石刻歷代有功名臣諸

惠蔡公知武岡軍楊公參知政事張公直龍圖閣孫公將軍盧公烈士范

公元太尉忠獻董公行省都事藍公侍御史韓公英義侯關公楚國公李

湯公之大夫註壽神廟在城隍廟內明洪武閒建清仍之

福建通志

旗纛廟

會典爲羣祀

在南關外較場內中設軍牙六纛神位歲以霜降日祭用

少牢舊在都司堂北明洪武元年建清移建今所

閩縣

社稷壇

風雲雷雨山川壇

先農壇

以上皆統祭於府壇

斗母宮在于山山坪頂祀天上南斗

羅計廟在于山巔祀羅計星君

東嶽廟

會典爲羣祀

在易俗里後唐長興中閩王氏時建東華宮三山志所謂

東嶽行宮是也

淳化四年裴詢有福州東華宮太山廟記首云四時代謝東方立生殺之權五嶽辨方太山掌死生之籍蓋本宮中

之廟

錢氏時廟祀始盛

記云斯廟也玉宇宏廓金殿崢嶸乞福人多紙錢飛雪祭神客眾竹葉成池陰司之部從克全地府

之曹僚

宋大中祥符閒寢廣其制

渭南文集有福州昭利東嶽廟祈雨文

觀乃獨爲東嶽行宮明崇禎閒重修清乾隆初鎮閩將軍新柱營建後寢

五十一
年修
鄭光策有記三教搜神大全略云泰山者五嶽之宗神靈之

彌輪仙女夢吞二日覺而有娠生二子次金虹氏即帝君也有功在長白

山中至伏羲氏封為大華真人掌天仙六籍神農時賜天符都官號曰府

君漢明帝封泰山元帥掌人世祿籍及十八地獄六案簿籍七十五司生

死之期蓋自唐虞三代以迄秦漢魏晉六朝皆稱以天都府君及唐武后

垂拱二年封為神嶽天中王萬歲通天元年尊為天齊仁聖王祥符四年上尊

年加封天齊王宋真宗大中祥符元年封為天齊仁聖王祥符四年上尊

號為帝配淑明皇后水一天尊女五子曰宣靈侯曰惠靈侯配淑惠夫人一

曰至聖炳靈王配永泰夫人曰居仁盡鑒尊師曰佑靈侯配淑惠夫人一

女曰玉女大仙即岱岳
太平頂玉仙娘娘也

雷院在福州天王崎劉後村大郡人雨暘必禱大府丞朱挺書其扁

元妃廟在福州東郊耕邨姑留稿有記云道光癸卯夏城東士民鳩立廟

率捐俸助成謹設元妃位於正中左則附祀三妃右設一神女配饗如
城隍廟在府城隍廟東廡
太歲殿在城隍廟左祀太歲殷元帥三教搜神大全云紂王子母后姜氏
王命棄之狹巷牛馬見而不敢踐投之於郊烏鵲蔽日白鹿供乳適金鼎
化身申真人見之曰此仙胎也劍剖得一嬰兒抱歸永簾洞求乳母賀仙
姑哺育之法各陰哪叱又緣其棄郊之故乳名殷郊年七歲乳母曰汝非
吾子乃紂王子因信偏如姐已言將汝為妖汝母墜樓死神感泣見真人
福建通志

道欲報仇真人曰兒年幼不可去神聖請即往天如入寶洞取黃錢金鐘
真人不語意許令更往取兵書先乘海馬下山收二強人爲副神領命即
收贊神鴉將帶歸見真人又命再往掃帚山收十二強人不知強夥乃十
二喪門哭鬼骷髏神往盡戮之懸首頸胸而回於是遣神助武王伐紂至
牧野率雷震等前鋒顯威商士倒戈白戮血流漂杵神起至摘星樓上正
值妲己見紂敗欲化去被神威嚇斂形擒見周王妲己大逞妖容炫目無
忍殺者神抱忠憤孝義劈斧誅之玉帝聞之勅封
地司九天遊奕使至德太歲殺伐威權殷元帥

文昌祠

會典爲

在東街鳳池坊清嘉慶六年奉旨崇祀十七年紳士僉請

即其地建祠於十七年興工十八年告竣

陳壽祺記略云今上六年始命京師立文昌廟於地安門外詔

下禮部太常寺議祀禮如制天下所在奉祀福州城東北隅故有文昌祠
隘且庫不稱先是郡治東街有左翼副都統廢廨比毀爲內較場每肆武
矢礮轟闐震損地防民病之既數載鄉人士請於大府以其地改建文昌
祠而衆任其力與財大府許之經始嘉慶十七年季冬踰一年竣左有樓
祀魁星取斗魁戴匡之義糜金錢七百萬有奇庸開齋筆記云文昌在康
熙雍正時曾奉部文以爲淫祀禁止初閩人多祀文昌神不過另設廟貌
耳時漳浦有紳士乃建閣於學宮而祀之漳浦蔡文恭公新之封翁止之
不得遂控於官府皆不勝忿而控部議以文昌之神不見經傳行文禁
止然文恭公乃登甲科位宰相爲理學名臣考文昌之神列入祀典則自嘉
慶六年始天學士朱珪請之夢梁錄載梓潼帝君廟在吳山承天觀此蜀
中神專掌注祿籍凡四方士子求名赴選者悉禱之封王爵曰惠文忠武
孝德仁聖王王之父母及妯及弟若子若孫若婦若女俱褒賜顯爵美號
建嘉慶樓奉香火云云或以爲其神即張仲孝友之張仲一在文筆書院
又或以爲乃張惡子然西陽諾臯皆渺茫不可知者耳

南離殿在南門城之東祀火神一在華林坊名火帝廟

漢閩越王廟在釣龍臺西祀騶無諸漢高帝五年封爲閩越王授冊於此其後卽此立廟武帝時閩越國亡祀遂廢唐大中十年復建五代唐長興

元年閩王審知追封爲閩越王宋時賜號顯聖武勇王宣和二年勅賜廟

號武濟

俞向記云郡志廟有左右二人王牙將也熙寧中民兵戍熙河二將現雲端戰遂捷政和間復戍桂府征蠻之際二將復現降大電

飛黃蜂以退蠻兵宣和二年浙寇竊發連陷數州將及郡境提刑俞向自建康領兵入閩黃蜂數萬隨府居民咸謂神助乃大新祠宇建楹曰有青

紅二小蛇蜿蜒香几間及升梁二蛇屢見向異之爲文以紀

六年進封閩越王爲鎮閩王二將左封靈

應侯右封顯應侯建炎間王加封武烈靈應侯加封廣惠顯應侯加封嘉

澤紹興間加封王英護並封夫人曰贊靈廟循漢制王西坐夫人東坐元

時封眞君每歲六月望後鄉人舉瓜蓮會爲報祭明洪武十年布政使葉

茂禱雨獲應疏聞詔從神故封稱曰漢閩越王之神

廟田爲守者乾沒成化十六年知府唐珣

覈清之郡人參政唐瀛記

隆慶四年巡撫塗澤民修清乾隆三年郡人羅琛重修嘉慶

十六年福州府朱桓海防同知徐景揚重修道光三年海防同知王其福

建豐澤亭

宋真德秀有南臺廟祝文

閩越祖廟在嘉崇里明弘治閒重建萬曆閒鄉人募建

善溪冲濟廣應靈顯孚佑王廟在桑溪里山峽有二潭閩越王郢時有大

鱷爲民畜害王第三子有勇力號白馬三郎射中之害遂絕鄉人因爲立

廟唐貞元十年觀察使王翊旱禱得雨崇飾廟貌咸通六年觀察使李瓚

奏封龍驤侯五代時閩王審知奏封宏潤王宋慶曆六年旱郡守蔡襄自

爲文禱讀祝未畢大雨如注命知縣賈太冲新其廟

文學范宗暉有記

熙寧八年

封冲濟廣應王紹興十一年丞相張浚奏增封靈顯賜廟額曰永寧十七

年秋大雨中夜水暴出聲聞數十里有巨石高廣二丈許峙廟後如堵人

以爲異

建炎閒邑令江文秉有葺廟記

紹定閒加封孚佑王淳祐八年郡守陳塏禱雨有

驗見廟前華表曰鱷溪遂判云善溪龍潭以神能體天而福善利澤可蘇

焦槁其靈在神不在鱷也縣帖宜與改正邑令師輿承命易扁以善溪名

曾鞏有禱雨文

玄壇廟在到任橋東河之南祀玄壇神趙元帥三教搜神大全云神姓趙名公明終南山人秦時避

世山中精修至道功成玉帝召為神霄副帥案元帥乃皓廷霄度天書覺

昏梵炁化生其位在乾金水合炁之象也其服色頭戴鐵冠手執鐵鞭者

金邁水炁也面色黑而鬚鬚者北炁也跨虎者金象也上奉天門之令策

役三界巡察五方提點九州為直殿大將軍為北極侍御史昔漢祖天師

修煉仙丹龍神奏帝請威猛神吏為之守護由是上奉玉旨授正一玄壇

元帥正則萬邪不干一則純一不二部下有八王猛將者以應八卦也有

六毒大神者以應天煞地煞年煞月煞日煞時煞也五方雷神五方猖兵

以應五行二十八將以應二十八宿天和地合二將所以象天門地戶之

闔闢水火二營將所以象春生秋殺之往來驅雷役

電喚雨呼風除瘟剪瘡保病禳災元帥之功莫大焉

祠山祠在法雲寺東神張渤生西漢末游苕霅之閒卒為神

溫康二都統廟在東嶽廟旁未知所自始蓋數百年香火也舊傳明嘉靖

閒倭寇犯閩疆官軍嚴護城隍西南一帶遭焚掠擾害者數載獨東北關

外二神顯聖雲端居民共見朱紫兩旗大書溫都統忠靖王康都統英烈

侯踞山擁衛倭遂驚竄得以安堵無恙三教搜神大全云溫都統名瓊字子玉後漢東甌人祖宗世隱顯父

望母張氏無子禱于后土夢金甲神授以明珠曰我乃六甲之神玉帝命

我寄母胎託質為人醒而含靈閱十二月誕時祥雲繞室異香馥座左脅

有篆文二十四右脅有篆文十六蓋漢順帝漢安元年辛巳五月五日午

時也幼而神明七歲學步天星十歲通經傳子史既長好尚淨修妙契玄

旨建通志

理一日忽見蒼龍墜珠于前拾而含之珠流于腹其龍飛舞耀日神即扭
為環截尾于手突然幻形赤髮青面藍身泰山府君聞而召為佐嶽之神
以積功故玉帝封為元金大神賜以金牌一面文曰無拘霄漢左手執玉
環右手執鐵簡為嶽府猛將眾神之宗有事出入天門朝奏累朝封爵血
食于温州厥後有嗣漢三十六代天師飛清張真人持符召之法役用嶽
神位十太保之首稱孚佑溫元帥康都統名缺負龍馬之精生黃河之
界父康衢母金氏神生于仁皇九年庚申戊寅月庚辰日戊寅時性慈惠
蛭飛蠕動未嘗輕毀其生命有鸛雛為隼所得折翼墜收而哺之後鸛含
長生草為報神乃以惠鄰里之患病者四方謂之能仁聲聞于天
帝乃順民意而錫之封之曰仁聖元帥帥左執金斧右執瓜鋌

關帝廟在南門城上清順治閒巡撫佟國器建立廟碑扁曰南天赤日詳見

侯官一在南較場一在洋嶼

阮公祠在東關外歸善里祀宋元嘉閒晉安郡太守阮彌之詳見名宦傳祠舊

在烏石山麓明萬曆七年移建今所清乾隆十一年巡撫周學健修

趙真君廟在通賢里祀隋嘉州守趙昱

常公祠在府學祀唐觀察使常袞唐書閩人春秋配享袞於學宮清道光十三年郡人以

李成公椅合祀

顯應廟在仁惠里飲井山西麓神陳礮初與弟觀察使巖同祀於里之蘆

川宋嘉祐七年春雷雨大作香火遷於今所旱蝗疫癘累禱著應寶慶元
年賜額曰顯應開慶元年封礮曰仁濟侯巖曰惠濟侯

陳益有記

靈顯廟在螺江之滸神劉姓兄弟三人行全德全待至其先淮甸人黃巢

寇聞禦之有功卒閩人爲之立廟宋淳祐十一年旱鄉人禱雨立應鄉貢

進士陳應角等以聞賜額靈顯

案此祀神劉行全與下北廟所載互有異同似別一人

忠懿王廟在郡治東慶城寺左五代晉開運三年地入吳越錢氏命卽王

舊第立廟宋開寶七年刺史錢昱復繕新之塑故都押衙程贊建州刺史

孟威等二十六人配饗政和元年郡守羅畸復修紹興間郡守張守出帑

新之明萬曆二十八年王裔孫諸生一騰請有司修復適轉運副使臨海

王亮亦王裔孫力襄厥成復春秋祀典

黃鳳翔有記

四十年巡撫丁繼嗣重修

清康熙元年巡撫許世昌扁曰功肇人祖

唐于兢有瑯琊忠懿王德政碑見金石志

周將軍祠在省南門城上祀周武閩人唐時平寇殉節民思其德立祠城

上清道光六年城樓火祠亦被焚尋重建

馬王張元帥廟在藤山馮巷下鄭思銓碑記云神張氏名晉官元帥故曰

其為唐中晚時人乎宋封真人始馮姓祀之繼羅姓祀之後一鄉公祀之廟舊在葱山明末移建今地為藤之馮巷下故俗謂之巷下廟

權務廟在鳳池坊五代權務使張睦有惠政民廟祀之

九仙安境侯廟在觀巷

順懿宮在嘉崇里晉安逸志云陳靖姑閩縣人少孤與其兄守元力田牧畜守元食牛山中靖姑餉而遇餒姬即發其簞飯飯之

別以已食進兄姬因托身靖姑姑以母事之姬嘗病疽靖姑跪吮姬死靖姑為棺斂畢葬一日守元出靖姑為守牛忽見前時餒姬雲衣月帔立而

笑曰兒來何暮遂授以秘術居歲餘歸家守元覺其異靖姑告之故乃竊發姬塚但衣被而已于是守元為靖姑再拜求其術得幸于閩王隣父子

封天師賜甲第車馬帷幄器物為之築壇場以處靖姑嘗過荒塚得遺骸卷以簣而禁之須臾肉骨起拜曰妾孫王宮人也姓班氏不知易幾世矣

姬實生我請得以身事姬靖姑遂畜為弟子鄉有虎魅能變形為人靖姑降之使為遠近前驅永福有白蛇魅數為郡縣害隱形閩王宮中幻為王

后以惑王王患之召靖姑使擊蛇靖姑率弟子書符夜圍王宮斬蛇為三蛇化三女子潰圍飛去靖姑追數百里得其尾于永福得其身于閩清各

厭殺之其頭奔入古田臨水井中于是靖姑乘勢從他道馳入古田圍井三匝乃就女人服係頸自縛箭貫耳抱馬足請降使居井中還報閩王遂

封靖姑為順懿夫人食古田三百戶以一子為舍人靖姑辭讓食邑不受乃賜宮女三十六人為弟子建第臨水後數歲靖姑逃去隱居海上閩書

云神姓陳世巫父昌母葛氏生於唐大曆二年神異通幻嫁劉杞孕數月會大旱脫胎往祈雨果如注因秘洩遂以產殞訣云吾死後不救世人產

難不神也卒年二十有四自後靈跡顯著臨水有白蛇洞吐氣為疫一日有朱衣人執劍索蛇斬之鄉人詰其姓名曰我江南下渡陳昌女也忽不見亟往下渡詢之乃知其為神宋浦城徐清叟子婦孕十七月不產忽一婦踵門自言姓陳專醫產令別治樓樓心窠一穴置產婦樓上仍令備數僕持杖伺樓下既而產一蛇長丈餘自穴而下羣僕捶殺之酬以物不受但需手帕一方令親書徐某贈救產陳氏數字且曰吾居古田縣某處左右鄰某人異曰若蒙青眼萬幸出門不見後清叟知福州憶其事遣人尋訪所居鄰舍云此閒只有陳夫人唐大曆中巡檢黃公之配姓陳名靖姑聞縣下渡人少而靈異一日與人言曰吾已試劍於太平石藏書於鼓角巖不日將還造化矣既歿立廟於黃氏祖居之旁三教搜神大全云夫人祖居福州府羅源縣下渡年十七往閩山學法後唐王皇后分婉危殆乃到宮以法催下太子敕封都天鎮國顯應崇福順意大奶夫人建廟于古田專保童男童女催生護幼聖父威相公聖母葛氏夫人聖兄陳二相公聖姊威靈林九夫人聖妹海口破廟李三夫人助娘破廟張蕭劉連四大聖者銅馬沙王五猖大將催生聖母破產靈童二帝將軍

案世傳靖姑事蹟各異羅志載其學法閩山夫為南灣巡檢黃演閩都

記閩書云嫁劉杞碑記閩書言生大曆閒逸志言生閩王時無從斷定

呂祖宮在雲步山祀唐仙人呂巖

洪恩靈濟宮在城南欽仁里祀南唐江王徐知證饒王徐知諤

徐知證知諤事蹟

徐知證知諤五代時徐溫之子徐氏有國封知證江王知諤饒王嘗帥兵入閩靖羣盜聞人德之爲立生祠於閩縣之鰲峰累著靈應宋高宗賜額靈濟宮歲久荒廢有男子曾甲灌園其中神棲於此甲虔奉之書符療病驗若影響永樂間成祖北征不豫事聞詔曾甲入侍運乩有驗命立廟皇城西賜名洪恩靈濟宮加封知證爲九天金闕真人知諤爲九天玉闕真人配曰仙妃後改封眞君元旦冬至皆遣太常寺堂官行禮成化二十二年加號曰九天金闕上帝九天玉闕上帝弘治間禮部尙書倪岳疏正之僅革帝號今靈清宮卽靈濟音之轉祀事盛於京師源於福建故兩地皆有之其中不免傳訛之說

明成祖實錄閩書十國春秋晉安志野獲編帝京景物畧

天后宮

會典爲羣祀

在南臺山舊有宮在水部門內左城垣下元至正十七年

擴而新之明嘉靖閒給事中陳侃使琉球還爲請春秋祀典清雍正十一

年總督郝玉麟巡撫趙國麟重建奏請扁額錫福安瀾四字乾隆十五年

巡撫潘思渠重修

潘思渠有記

一在閩安鎮康熙十九年總督姚啓聖巡撫吳

興祚因蕩平海島建宮祀之一在洋嶼崇禎閒建雍正七年因設立水師旗營重修一在台北里亭頭怡山院乾隆二十二年冊使全魁周煌奏准嗣後諭祭天后祈報文二道書明天后封號卽怡山院天后宮舉行祭事一在水部門外河口一在南臺霞浦街延平府士民公建一在南臺中洲

天后事蹟

天后姓林氏莆田人九世祖蘊邵州刺史自有傳高祖圉州牧曾祖保吉周顯德中爲統軍兵馬使棄官歸隱湄洲祖孚襲世勲爲福建總管父愿母王氏生子一名洪毅女六后其季也孕時母夢白衣大士授以丸遂於建

隆元年三月二十三日誕后有紅光之異旣生彌月不聞啼聲因命曰默八歲從塾師讀悉解文義十歲餘喜誦經禮佛旦暮不少懈有老道士玄通者往來其家曰若具佛性授以玄微秘法遂悟諸要典十六歲窺井得符靈通變化驅邪救世乘席渡海父溺示夢往救屢顯神異在室三十二年一作二十八年一作三十年皆非以建隆元年至雍熙四年計得三十二年白日飛昇實雍熙四年丁亥九

月九日也父老卽其地而祠之名曰聖墩宣和癸卯路允迪使高麗舟危神護以歸請於朝賜廟額順濟嘉定間金人寇淮甸現象三戰解合肥之圍元至元初年護海運萬戶馬合法忽魯循等制封護國明著靈惠協正善慶顯濟天妃明洪武間海運風作糧米數百萬石漂泊落溔萬人號泣待死大呼天妃風回舟轉遂獲濟因封昭應德正靈應孚濟聖如娘娘永樂間百戶郭保亦海運遭風亦獲庇成化間給事陳詢使日本舟幾覆矣忽見二紅燈自天而下若有言救人不救船者漁船數隻隨燈而至云爲天妃所遣因渡登山告以達粵之路並與禦蛇之藥後又奉使夢聖妃曰此行當賜爾木刻我像保無虞也明日果有大木浮水而來取之乃沈香因刻而祀之給事中四明陳侃往封琉球遭颶祈神亦見火光燭天旋有粉蝶繞舟黃雀食米之異舟行如飛矣清康熙二十二年施琅師克澎湖亦獲神助施表上其事勅建祠湄洲勒文紀績更封天后聖母號六十年復以平臺獲助奉旨春秋致祭凡在宋受封十有四次元五次明四次清